

---

# XIII CONVOCATORIA DE AXUDAS DO PROGRAMA DEPORTE SOLIDARIO E INCLUSIVO 2026-2027

---

AXUDAS PARA FAVORECER O USO DO DEPORTE COMO  
INSTRUMENTO DE INCLUSIÓN E INTERVENCIÓN SOCIAL

## BASES DA CONVOCATORIA



# Deporte Solidario

Coa colaboración de:



<i>Introdución</i> .....	3
<i>1. Obxecto, Finalidade e Requisitos dos proxectos</i> .....	4
<i>2. Características das axudas</i> .....	5
Outras aportacións de financiamento .....	6
<i>3. Entidades beneficiarias</i> .....	7
<i>4. Conceptos subvencionables e prazo de execución</i> .....	7
<i>5. Criterios de valoración</i> .....	9
5.1 Valoración da entidade (10 puntos).....	9
5.2 Valoración do Proxecto presentado (90 puntos).....	10
<i>6. Solicitude: Prazo, documentación e proceso</i> .....	13
6.2 Datos de contacto para comunicacións.....	14
6.3 Documentación a presentar .....	14
6.4 Corrección .....	17
<i>7. Avaliación e Resolución</i> .....	17
7.1 Proposta de valoración inicial.....	18
7.2 Proposta de concesión provisional .....	18
7.3 Proposta de resolución definitiva .....	19
<i>8. Formalización da concesión. Forma de Pago. Circunstancias excepcionais</i> .....	19
<i>9. Obrigacións das entidades beneficiarias</i> .....	21
9.1 Sobre as condicións de execución do proxecto.....	21
9.2 Sobre o proceso de seguimento e avaliación .....	22
9.3 Sobre a Protección de datos e Dereitos de imaxe.....	23
9.4 Sobre a publicidade e difusión .....	23
<i>10. Xustificación</i> .....	24
10.1 Documentación do proxecto .....	24
10.2 Documentación económica .....	25
10.3 Proceso de revisión e extinción del convenio .....	26
<i>11. Incumprimentos</i> .....	26
<i>12. Protección de datos de carácter persoal</i> .....	27

## Introdución

A Fundación Emalcsa ten entre os seus obxectivos e fins, segundo os seus Estatutos:

- A promoción da igualdade de oportunidades e da integración social e laboral da poboación en xeral e especialmente das persoas e colectivos que poidan sufrir discriminación ou dificultade para a súa plena integración social por razón de idade, de déficits de formación, de diversidade funcional ou discapacidade, de padecer adiccións, ou de calquera outra causa (Art. 7.a.1.1)
- O fomento do deporte de base e dos valores sociais asociados á práctica deportiva, tales como o traballo en equipo, o esforzo e afán de superación, o respecto polas regras e o xogo limpo, os hábitos saudables en alimentación e a prevención e rexeitamento ao uso de substancias prohibidas ou perigosas para a saúde, etc. (art. 7, a.2.1)

Tendo en conta estes fins, e que a actividade física e ou deporte, máis alá dous beneficios da aprendizaxe e práctica deportiva en si mesmos, ofrecen oportunidades únicas para a promoción e transmisión de valores, para a integración e a cohesión social, a Fundación Emalcsa realiza unha convocatoria de axudas para favorecer o uso do deporte como instrumento de intervención e transformación social. Neste contexto, o Día do Deporte na Rúa —organizado polo Servizo Municipal de Deportes— constitúe unha manifestación exemplar dos devanditos principios, ao converter o espazo público nunha contorna aberta, inclusivo e participativo, onde se visibiliza o potencial do deporte como ferramenta de convivencia, accesibilidade e dinamización comunitaria. Esta convocatoria alíñase cos obxectivos estratéxicos do Plan Estratéxico de Subvencións do Concello da Coruña 2024-2026 no relativo ao fomento do benestar social, a participación cidadá e a igualdade de oportunidades, fortalecendo a inclusión (OE2), así como á promoción da cidade e ao fomento da cultura, da educación, do turismo, do deporte e da divulgación científica (OE4), atendendo á disposición adicional 16ª da Lei 38/2003, do 17 de novembro, xeneral de subvencións.

## 1. Obxecto, Finalidade e Requisitos dos proxectos

O obxecto desta convocatoria é apoiar economicamente ás entidades deportivas na execución de **proxectos de Deporte Solidario e Inclusivo na cidade da Coruña** que buscan promover a participación activa e o acceso ao deporte de todas as persoas, independentemente do seu xénero, orixe ou calquera outra condición, con especial atención ás persoas con discapacidade e en risco de exclusión social.

Para iso, os proxectos que concorran **deberán atender a algún dos seguintes fins:**

- a. Desenvolver actividades deportivas que favorezan de forma continuada a inclusión e participación de persoas en situación de vulnerabilidade social.
- b. Fomentar que as persoas con discapacidade ou en risco de exclusión poidan iniciarse e evolucionar na práctica de modalidades deportivas, non só no seu propio beneficio senón tamén para o enriquecemento da sociedade.
- c. Promover o acceso das persoas en risco de exclusión social ou pobreza á oferta deportiva mediante a facilitación dos recursos de apoio necesarios.
- d. Promoción dos valores sociais vinculados ao deporte, así como a concienciación da poboación ante as diversas realidades que conviven na nosa contorna, como accións complementarias das actividades do proxecto.

Ademais, **os proxectos que se presente a esta convocatoria deberán cumprir os seguintes requisitos:**

1. Estar deseñados de forma específica para a presente convocatoria, podendo ser parte da programación e/ou actividades habituais.
2. Os proxectos han de ter como obxectivo principal a integración na actividade deportiva, garantindo a participación de grupos diversos e en risco de exclusión.
3. Contar cunha planificación e metodoloxía adecuada para garantir os obxectivos de integración e transformación social a través da actividade deportiva, aos que pretende contribuír esta convocatoria.
4. As actividades deberán desenvolverse en colaboración con polo menos unha entidade social especializada na atención a colectivos en situación de vulnerabilidade ou risco de exclusión. Entenderase por entidade social aquela organización sen ánimo de lucro que, con sede no Concello da Coruña, teña como finalidade a promoción da inclusión, a equidade e o benestar social, mediante intervencións dirixidas a persoas ou grupos en situación de desvantaxe. En caso de non existir entidades locais que presten asistencia ao colectivo destinatario das actividades, poderá xustificarse a colaboración con entidades de ámbito territorial distinto, sempre que se acredite a súa especialización e experiencia na materia.

5. Desenvolverse no termo municipal da Coruña, sen prexuízo de que se realice algunha actividade fose do municipio atendendo á súa natureza ou ás condicións específicas do colectivo destinatario.
6. As actividades desenvoltas no marco do proxecto deberán ser gratuítas para as persoas beneficiarias. A efectos desta convocatoria, entenderase por persoas beneficiarias aquelas que participen nas actividades que fosen financiadas dentro da presente convocatoria.
7. Executarse entre o 1 de setembro de 2026 e o 31 de agosto de 2027. No caso de que a entidade solicitante sexa beneficiaria da convocatoria anterior, a data de inicio do proxecto presentado deberá ser posterior á finalización e xustificación do anterior.
8. Non serán obxecto de puntuación aqueles proxectos que, sendo executados en edicións anteriores, non incorporen melloras substanciais, innovadores ou valor engadido respecto a súa versión previa, mantendo as mesmas características sen a debida xustificación expresa e documentada. A ausencia de elementos novos será considerada como criterio de exclusión na avaliación dos proxectos. **Aquelas solicitudes que non respondan a estes requisitos non serán obxecto de valoración por parte da Comisión de Avaliación.**

## 2. Características das axudas

- a. O importe total destinado ás axudas é de DOUSCENTOS CINQUENTA MIL EUROS (250.000,00€).
- b. A concesión das subvencións efectúase en réxime de concorrencia competitiva, de acordo cos principios de obxectividade, transparencia, igualdade, non discriminación e publicidade, mediante a comparación das solicitudes presentadas, co fin de establecer un prelación entre estas de acordo cos criterios de valoración fixados nestas bases reguladoras, e adxudicar, co límite fixado na convocatoria dentro da dotación dispoñible, aquelas que obteñan maior valoración en aplicación dos citados criterios.
- c. Cada entidade só poderá presentar un proxecto.
- d. Poderase subvencionar de forma parcial ou total o proxecto (alcanzando o 100% do custo total).
- e. A axuda é compatible con outras subvencións.
- f. O importe de cada subvención en ningún caso poderá ser de tal contía que illada ou en concorrencia con outras subvencións ou axudas, supere o custo da actividade/proxecto subvencionado.
- g. O importe máximo da subvención non poderá superar para cada entidade beneficiaria os 20.000,00 €, que serán concedidos proporcionalmente en función

ás puntuacións obtidas no proxecto presentado, ata esgotar o crédito orzamentario.

- h. A contía mínima que se poderá conceder a cada proxecto será de TRES MIL EUROS (3.000€).
- i. A axuda poderá destinarse a gastos vinculados ao fomento do deporte base, ata un máximo do 25 % do importe total concedido, e ao desenvolvemento do proxecto de inclusión presentado, ao que poderá asignarse o resto da contía (ata o 75 %, ou unha proporción superior se así se considera necesario para garantir o seu impacto social)
- j. A entidade beneficiaria poderá subcontratar parcialmente a actividade subvencionada nos termos do artigo 29 da Lei 38/2003, do 17 de novembro, Xeneral de Subvencións, sempre que a prestación de bens e servizos subcontratada non forme parte do seu obxecto social. Non se admitirán subcontratacións con terceiros intermediarios que non acheguen valor engadido nin con entidades vinculadas, salvo autorización previa da Fundación Emalcsa e en condicións de mercado. Non se poderán contratar nin subcontratar servizos con entidades sociais que teñan subscrito un convenio de colaboración para o desenvolvemento das actividades contempladas no proxecto.

A parte subcontratada non poderá superar o 20 % da subvención e, en ningún caso, poderá concertarse con:

- Entidades incursas en prohibicións do artigo 13 da Lei Xeral de Subvencións.
- Entidades que reciban outras subvencións para a mesma actividade.
- Intermediarios cuxos pagos dependan dunha porcentaxe do custo total, salvo xustificación de mercado.
- Solicitantes da mesma convocatoria que non obtivesen subvención.

No caso de subcontratacións con entidades vinculadas, expresamente autorizadas pola Fundación, o importe subvencionable limitarase ao custo real asumido pola entidade ou persoa vinculada para a execución da actividade ou acción subcontratada. Devandito custo deberá acreditarse na fase de xustificación, seguindo os mesmos criterios establecidos para a entidade beneficiaria (base 10.2). Unicamente admitiranse os custos efectivamente incorridos pola entidade ou persoa vinculada subcontratada.

### **Outras aportacións de financiamento**

A obtención con posterioridade á concesión da axuda por parte de Fundación Emalcsa doutras subvencións para o mesmo proxecto ou actividades integradas neste, procedentes de calquera Administracións ou Entes Públicos ou privados, nacionais ou internacionais, comunicarase de inmediato por escrito á Fundación Emalcsa, especificando a contía e destino que se dará aos devanditos fondos dentro do proxecto. En ningún caso o financiamento pode exceder do custo do proxecto.

### 3. Entidades beneficiarias

Son **requisitos esixibles ás entidades beneficiarias**, que deberán cumprirse á data de finalización do prazo de presentación de solicitudes e manterse durante todo o prazo de execución da actividade subvencionada, os seguintes:

- a. Que sexan privadas e sen fin de lucro, e que estean rexistradas como entidades deportivas no Rexistro Oficial correspondente (provincial, autonómico ou estatal).
- b. Que teñan a sede social e dispoñan de actividade deportiva demostrable no termo municipal da Coruña.
- c. Que estean rexistradas no Rexistro Municipal de Asociacións Coruñesas (REMAC).
- d. Que se atopen ao corrente no cumprimento das obrigacións tributarias e de Seguridade Social, no seu caso.
- e. Que estean ao corrente das obrigacións establecidas en convocatorias anteriores do Concello da Coruña e da Fundación Emalcsa, no momento de concesión da axuda.
- f. Que todas as persoas que participen na actividade da asociación (incluído o persoal contratado e o voluntario), cumpran coa lexislación en materia de igualdade e non discriminación, protección contra a violencia de xénero e protección xurídica do Menor.
- g. Que acrediten actividade federativa en categorías de base durante a última tempada finalizada.

As federacións deportivas non están incluídas no ámbito de aplicación da presente Convocatoria.

Estes requisitos deberán cumprirse na data en que finalice o prazo de presentación das solicitudes, debéndose manter todos eles ao longo do tempo que dure o proxecto. O incumprimento na data de peche do prazo de presentación de solicitudes, considerarase criterio excluínte para a participación na convocatoria.

### 4. Conceptos subvencionables e prazo de execución

Considéranse **gastos elixibles aqueles que estean directamente vinculados ás actividades** integradas no proxecto presentado e que sexan claramente necesarios para o seu desenvolvemento:

- a. Gastos do persoal directamente implicado no proxecto social ou actividade de fomento do deporte de base (técnicos, monitores, médicos e outros), durante o período de execución de este, xa sexan persoas con relación laboral directa coa entidade ou profesionais externos contratados para a prestación de servizos.
- b. Cubriranse os gastos derivados das actividades nas que participen os beneficiarios do proxecto, incluíndo viaxes, aloxamento e manutención. No caso de desprazamentos por carretera, establécese un límite de 0,26 euros por quilómetro recorrido como base para o cálculo dos gastos reembolsables.
- c. Adquisición ou renovación de equipamento necesario para a práctica deportiva por parte dos beneficiarios das actividades propostas..
- d. Recursos e soportes para a difusión das actividades (carteis, folletos, banners etc.), co fin de promocionalas e asegurar o seu alcance..
- e. Gastos de actividade federativa (licenzas, arbitrxes, canons ou cotas de participación).
- f. Gastos destinados á reforma de inmobles co fin de mellorar a accesibilidade para persoas con discapacidade, así como para realizar outras adaptacións necesarias que aseguren o cumprimento dos obxectivos do proxecto. Estes gastos serán aplicables unicamente a locais que sexan propiedade da entidade solicitante ou sobre os cales esta dispoña do dereito de usufruto.
- g. Poderá incluírse como gastos indirectos co límite do 10% do orzamento inicial ou do gasto executado se é menor. Considéranse como gastos xerais da entidade os gastos correntes propios (electricidade, calefacción, alugueiro, internet e seguros de RC ou accidentes etc.)
- h. Gastos relacionados con material sanitario e de seguridade para facer fronte ás medidas de prevención, seguridade e saúde necesarias para o correcto desenvolvemento do proxecto. Terase en conta tanto a protección individual para o persoal da entidade e os colectivos beneficiarios como a adecuación das medidas de seguridade nas instalacións onde leven a cabo as actividades.
- i. Outros gastos que indubidablemente necesarios para a execución do proxecto e detállense debidamente no formulario de solicitude.

**Período de imputación de gastos:** desde o 1 de setembro de 2026 a 31 de agosto 2027.

Nos xustificantes de gasto débese **acreditar a súa relación coa actividade**. O custo de adquisición non poderá ser superior ao valor de mercado.

**Non serán financiáveis:**

- Con carácter xeral, a amortización de operacións crediticias, gastos ou custos financeiros nin de asesoría, salvo que se traten de gastos relativos á xestión de nóminas de persoal íntegramente contratado para a execución do proxecto.

Imprescindible e debidamente acreditados, para a adecuada preparación do proxecto.

- Complementos salariais ou extra salariais de persoal que non estea exclusivamente contratado para o desenvolvemento proxecto (indemnizacións por despedimento, ...).
- Gastos asociados a accións de recadación de fondos para fins solidarios.
- Os custos relativos a despedimentos de persoal da entidade nin o dedicado á execución do proxecto, sexan procedentes ou improcedentes.

## 5. Criterios de valoración

O procedemento de valoración realizarase conforme a criterios relacionados coa entidade e co proxecto.

### 5.1 Valoración da entidade (10 puntos)

Criterio Valoración de la entidad	Puntuación
1. Experiencia e traxectoria	Ata 4 puntos
2. Actividade federativa	Ata 2 puntos
3. Estrutura organizativa	Ata 2 puntos
4. Recursos e capacidade económica	Ata 2 puntos

#### 5.1.a Experiencia e traxectoria (ata 4 puntos)

Valorarase a **experiencia demostrada en proxectos, eventos e actividades promovidos pola entidade para o impulso do deporte base** (excluindo as actividades habituais de adestramentos e competicións oficiais) levadas a cabo durante o último ano, comprendido entre o 1 de xaneiro e o 31 de decembro de 2025.

#### 5.1.b Actividade federativa (2 puntos)

Valorarase o alcance da entidade deportiva no ámbito do deporte de base e o impacto na igualdade de xénero, en base aos seguintes criterios:

- Número total de licenzas ata categoría xuvenil / júnior (non computan as licenzas dos técnicos deportivos, adestradores e xuíces).
- Porcentaxe de licenzas femininas en relación co total da entidade (non computan as licenzas dos técnicos deportivos, adestradores e xuíces).

#### 5.1.c Estrutura organizativa e comunicación (2 puntos)

Valorarase o **funcionamento da actividade asociativa** e o desenvolvemento da actividade deportiva en base a:

- Número de persoas asociadas (base social).
- Sitio web propio con información actualizada sobre proxectos previos realizados ademais da súa actividade deportiva habitual.
- Perfiles en redes sociais activos e actualizados.

#### 5.1.d Estrutura económica (2 puntos)

Valorarase a **capacidade de execución dos proxectos** establecendo un equilibrio ponderado entre os seguintes criterios:

- Orzamento liquidado da entidade o ano anterior en relación ao orzamento do proxecto solicitado.
- Diversificación das fontes de financiamento e esforzo da propia entidade (porcentaxes da orixe do financiamento no orzamento liquidado).

### 5.2 Valoración do Proxecto presentado (90 puntos)

A valoración do proxecto realizarase en base aos seguintes criterios:

Criterio de evaluación del proyecto	Puntuación
1. Complexidade do nivel de integración e inclusión social	Ata 25 puntos
2. Calidade e viabilidade técnica	Ata 20 puntos
3. Carácter innovador e continuidade dos proxectos	Ata 15 puntos
4. Comunicación e coordinación para a execución do proxecto	Ata 5 puntos
5. Viabilidade económica	Ata 25 puntos

#### 5.2.a Complexidade del nivel de integración e inclusión (ata 25 puntos)

Terase en conta a información do proxecto recollida no Formulario e a dos Convenios/cartas de Colaboración presentados dentro do prazo de solicitude e corrección, sempre que nestes documentos detállense as actividades para desenvolver no marco do convenio.

Establecemento de colaboracións e firma de convenio con entidades sociais, que se valorarán sempre **en base ao seu grao de implicación no proxecto e coa seguinte orde de prioridade:**

1. Organizacións sociais con experiencia e especialización na atención a persoas con discapacidade ou en risco de exclusión social.
2. Organismos ou asociacións que presten atención e asistencia a persoas refuxiadas.

3. Entidades educativas, a condición de que non constitúan a única colaboración do proxecto.

Valorarase a contribución aos fins e o cumprimento dos requisitos, tal e como se definen na base 1.

- Inclusión na súa metodoloxía de mecanismos de participación ou apoios que permitan aos colectivos destinatarios do proxecto interatuar en toda a duración do proxecto [Fin a) [Participación continuada dos beneficiarios](#)]
- Desenvolvemento dunha programación estable que facilite a creación de espazos seguros de aprendizaxe, participación e vinculación para persoas e colectivos en situación de vulnerabilidade ou risco de exclusión, co obxectivo de favorecer a súa progresiva incorporación á práctica deportiva na contorna urbana. Entenderase por programación estable aquela planificación de actividades deportivas que se desenvolven de forma continuada, estruturada e sostida no tempo, cunha periodicidade definida e que conta con recursos para garantir a súa permanencia, accesibilidade e adaptabilidade. [Fin b) [Iniciación e evolución na práctica deportiva](#)]
- Promoción da equidade de xénero e a inclusión no ámbito deportivo, mediante o impulso do deporte practicado por mulleres e persoas de xéneros historicamente infrarrepresentados. Fomentarase a participación activa en todas as modalidades deportivas a través de accións específicas orientadas a eliminar barreiras estruturais, visibilizar referentes diversos e garantir condicións equitativas de acceso, desenvolvemento e recoñecemento. (Ex: programa de iniciación deportiva, campañas de sensibilización,...) [Requisito xeral: [transversalidade de xénero](#)]
- Incorporación ás actividades deportivas habituais do club (adestramentos, competicións, campamentos, entre outras), mediante a oferta de prazas gratuítas destinadas a persoas en situación de vulnerabilidade ou risco de exclusión social. Estas prazas deberán ser identificadas, consensuadas e canalizadas a través da rede de Servizos Sociais Municipais do Concello da Coruña ou, no seu caso, mediante entidades sociais coas que exista un acordo de colaboración asinado. Entenderase por prazas gratuítas aquelas que permiten o acceso sen custo económico ás actividades regulares do club, incluíndo campamentos, xornadas formativas, desprazamentos vinculados á competición, e calquera outra acción que favoreza a inclusión, a participación continuada e o desenvolvemento persoal e deportivo dos beneficiarios [Fin c) [facilitación de recursos de apoio necesarios](#)].

### 5.2.b Calidade e viabilidade técnica (ata 20 puntos)

A valoración deste criterio implica, necesariamente, un equilibrio entre os dous anteriores xa que, tratándose de **proxectos deseñados especificamente para esta convocatoria**, hanse de ter en conta os obxectivos que se perseguen: deporte,

solidariedade e inclusión. Valorarase a formulación clara da información solicitada de modo que facilite a súa comprensión e demostre a coherencia xeral entre os seguintes aspectos:

- Explicitación e obxectividade da **xustificación e necesidade de realización do proxecto** no ámbito municipal.
- A **definición de obxectivos de inclusión específicos**, atendendo ás características do proxecto e dos colectivos participantes.
- A **relación entre o deseño do proxecto e os obxectivos da convocatoria**: descrición dos axustes realizados na metodoloxía da actividade deportiva e os mecanismos de apoio previstos para cumprir vos obxectivos de inclusión.
- A **planificación e temporalidade**. Valorarase positivamente a sustentabilidade do proxecto en base ao desenvolvemento das actividades ao longo do período da convocatoria.
- **Principais resultados esperados e indicadores**, sendo a súa explicación clara e coherente coa definición dos obxectivos, a tipoloxía do proxecto e os colectivos participantes.
- **Claridade no desenvolvemento e descrición dos contidos**.
- No caso de que o proxecto presentado fose desenvolto nunha convocatoria anterior, valoraránse especialmente as observacións obtidas durante a visita da avaliación intermedia realizada pola secretaría técnica, así como o resto das supervisións efectuadas, integrándose ditas valoracións na puntuación final.
- Ademais da visita da avaliación intermedia realizada pola Oficina Técnica, serán valorados pola comisión todos aqueles aspectos que desde a Oficina se consideren relevantes e poidan afectar na execución dos proxectos (xustificacións, doc. Presentada,...)

### 5.2.c Carácter innovador e continuidade dos proxectos (Ata 15 puntos)

Valorarase o equilibrio entre a capacidade de innovación e a continuidade dos proxectos, recoñecendo especialmente aquelas iniciativas que, tras un período de execución, incorporen melloras que reforcen o seu impacto social, este criterio desglosase nos seguintes apartados:

- Considerarase o grao de novidade do enfoque, as ferramentas utilizadas ou as dinámicas propostas, especialmente se achegan solucións creativas a retos sociais vinculados ao proxecto.
- Impacto previsto a medio e longo prazo: terase en conta a capacidade do proxecto para xerar efectos sostibles nos beneficiarios, máis aló do período subvencionado.

- Innovación en proxectos: puntuarase a capacidade dos proxectos para evolucionar, adaptarse a novas necesidades ou incorporar boas prácticas que melloren a súa eficacia.

#### 5.2.d Comunicación e coordinación coas entidades colaboradoras para o desenvolvemento do proxecto (Ata 5 puntos)

Valorarase a **descrición dos procedementos de coordinación e comunicación coas entidades colaboradoras**, que permitan identificar polo menos:

- Participación no deseño do proxecto.
- Sistema de derivación de beneficiarios.
- Organización de horarios, lugares, etc.
- Monitoreo da participación dos beneficiarios nas actividades.
- Implicación na comunicación do proxecto, tanto nas accións requiridas (base 8.4) como noutras adicionais co fin de ampliar o alcance da información e difusión da evolución e resultados do proxecto.

#### 5.2.e Viabilidade económica (Ata 25 puntos)

En relación coa coherencia orzamentaria presentada nesta solicitude valorarase:

- Adecuación do orzamento aos obxectivos e actividades do proxecto, valorando se os recursos económicos solicitados se corresponden de maneira razoable e proporcionada coas actividades previstas.
- Terase en conta a estrutura do orzamento, a claridade na asignación de partidas e a xustificación dos custos en función da súa relevancia para o proxecto.
- O grado de detalle, claridade e especificidade do orzamento presentado, que permita verificar de forma inequívoca a adecuación dos conceptos de gasto incluídos aos criterios de subvencionabilidade establecidos na convocatoria.

## 6. Solicitude: Prazo, documentación e proceso

As presentes Bases publicaranse na web da Fundación Emalcsa. Así mesmo, publicarase un extracto das mesmas no Boletín Oficial da provincia (BOP) da Coruña en que se indicará a data de finalización do prazo de presentación de proxectos.

**O prazo para solicitar as subvencións comezará ao día seguinte da publicación no BOP e permanecerá aberto durante 1 mes.**

**Non se admitirán a trámite** as solicitudes que non acheguen, dentro do prazo de presentación:

1. **Documentación necesaria para constatar o cumprimento de requisitos** para concorrer á convocatoria, recollidos na base 3ª: os sinalados no apartado 6.3.a, b e c.
2. **A instancia** de solicitude cuberta e asinada.
3. **O formulario** de presentación de proxecto. Non será posible subsanar este formulario salvo petición expresa da secretaría técnica.

No caso de que tanto a instancia como o formulario non se atopen debidamente asinados, entenderanse como non presentados.

### Información e consultas

Habílitase un teléfono e correo electrónico específicos de información e consultas coa Secretaría Técnica tanto para o período de presentación de solicitudes como nas súas posteriores etapas de execución e xustificación dos proxectos.

- Teléfono: 627 251 278 - de luns a venres en horario de 9 a 14h
- Correo electrónico: [deportesolidariosecretaria@gmail.com](mailto:deportesolidariosecretaria@gmail.com)

## 6.2 Datos de contacto para comunicacións

As entidades solicitantes deberán indicar na instancia de solicitude e no formulario de presentación unha dirección de correo electrónico e un número de teléfono de contacto para que a Fundación poida comunicar calquera aspecto relacionado coa convocatoria.

Así mesmo, dirixiranse a esta dirección de correo electrónico as notificacións relativas á resolución de axudas e calquera outra información necesaria para o seguimento e control dos proxectos aprobados.

A non operatividade da dirección de correo electrónico ou número de teléfono liberan de toda responsabilidade á Fundación Emalcsa.

## 6.3 Documentación a presentar

Para a solicitude desta subvención requírese documentación relativa á entidade e a específica da convocatoria, que se realizará mediante os **modelos oficiais dispoñibles** na Web da Fundación Emalcsa no apartado correspondente á XII Convocatoria: <https://fundacionemalcsa.org/gl/xiii-convocatoria-deporte-solidario-e-inclusivo-2026-2027/>

- Instancia de solicitude
- Formulario de presentación de proxecto
- Declaración responsable

- Declaración responsable de oferta de prazas gratuítas aos Servicios Sociais Municipais de A Coruña.

**A presentación da documentación debe realizarse en formato dixital a través do seguinte ligazón: (<https://convocatorias.fundacionemalcsa.es/>) dentro do prazo indicado anteriormente.**

### 6.3.1 Documentación da entidade

- a. **Estatutos** actualizados da entidade solicitante (agás que se presentaron na convocatoria anterior e non se modificaron).
- b. Certificado do **número do REMAC** (Rexistro Municipal de Asociacións Coruñesas). A entidade solicitante que presentase este documento para convocatorias anteriores, queda exenta de volver presentalo.
- c. **Certificado de estar ao corrente** no cumprimento das obrigacións tributarias e de Seguridade Social, no seu caso, emitidos dentro dos 6 meses previos á presentación da solicitude. No seu defecto, admitirase resguardo de solicitude que deberá enmendarse coa presentación dos certificados.
- d. **Balance e conta de resultados normalizados** (adaptados ao Plan Xeral Contable) do último exercicio liquidado, aprobados pola Xunta Directiva da entidade.
- e. Certificación dos **datos bancarios** da entidade (orixinal expedido pola entidade bancaria dentro dos 6 meses previos á presentación da solicitude).
- f. Certificado de inscrición da entidade no Rexistro Oficial (provincial, autonómico ou estatal) excepto que se presentara na convocatoria anterior.
- g. **Certificado federativo de licenzas deportivas**, a data de presentación da solicitude, coa especificación do número total de licenzas de deportistas e de técnicos, **desagregadas por sexo e categoría**.

### 6.3.2 Instancia de solicitude e declaracións (segundo modelos establecidos)

- a. **Instancia** de solicitude. Deberá presentarse cuberta e con firma dixital da entidade solicitante ou de seu representante legal.
- b. **Declaración responsable** de oferta de prazas gratuítas para persoas derivadas polos Servizos Sociais Municipais. **Preceptiva para as entidades que establezan nos seus proxectos esta liña de colaboración**.
- c. Declaración responsable de que a entidade:
  - Non está incurso en ningún dos supostos de prohibición establecidos na Lei Xeral de Subvencións.

- Non ten expediente sancionador en curso co Servizo Municipal de Deportes, coa Secretaría Xeral para Ou Deporte ou coa Federación correspondente.
- Está ao corrente das obrigacións establecidas en convocatorias anteriores do Concello da Coruña e da Fundación Emalcsa, no momento de concesión da axuda.
- Cumpre coa lexislación en todos os aspectos relacionados co proxecto.
- Comunicará á Fundación Emalcsa a solicitude ou concesión doutras axudas por parte doutras entidades, públicas ou privadas, e, no seu caso, orixe e importe.
- Faise responsable da vixencia e veracidade de toda a información achegada ao obxecto de concorrer a esta convocatoria.
- Comprométese a manter na xustificación a porcentaxe de cofinanciamento da solicitude.
- Autoriza á Fundación Emalcsa a contrastar a información achegada coa Administración e entidades públicas ou privadas pertinentes

### 6.3.3 Documentación do proxecto

#### 1. Formulario de descrición do proxecto (segundo modelo establecido)

Deberá incluír información completa e clara que permita a súa avaliación, atendendo aos criterios de valoración que se especifican nestas bases. Presentarase debidamente cuberto e con firma dixital da entidade solicitante ou de seu representante legal.

Ademais da información solicitada neste formulario, poderase achegar dentro do prazo de solicitudes aquela documentación complementaria que se estime oportuna para acreditar e completar a información facilitada, favorecendo valoración da solicitude.

#### 2. Colaboración con entidades sociais

Convenio de **colaboración ou carta de compromiso** de colaboración de cada entidade social interesada en participar no proxecto atendendo ás seguintes especificacións.

- Se se presentou carta de compromiso, debe expresar a intención de asinar o convenio de colaboración e describir os termos da colaboración. En caso de concederse a axuda, solicitarase a presentación destes convenios dentro do mes seguinte á firma do convenio de colaboración coa Fundación Emalcsa.
- Durante a fase de avaliación, só serán valorados os convenios e cartas de compromiso achegados dentro do prazo de presentación de solicitudes ou corrección das mesmas, debidamente asinados e con vixencia acorde ao período de execución do proxecto proposto.

- Se se presentan convenios asinados con anterioridade a 2026 e vixencia indefinida, deberase presentar a oportuna dilixencia de prórroga asinada pola entidade social, na que exprese a súa intención de participar na nova convocatoria.

## 6.4 Corrección

En caso de apreciarse defectos ou carencias emendables, notificaranse por correo electrónico **requirindo a súa achega no prazo de dez días naturais** (a contar a partir do día seguinte á notificación).

Tipos de requirimentos e consecuencias:

1. Documentación que acredite os **requisitos para ser entidade adxudicataria da subvención**:
  - Solicitarase corrección por defecto, erro ou ausencia dos documentos sinalados na base 6.3.1 e 6.3.2.
  - Se non se atende, entenderase por desistida a solicitude.
2. Documentación **relativa a elementos de valoración**:
  - Solicitarase corrección da ausencia dos documentos sinalados na base 6.3.3, excepto o previsto no apartado 6.1.
  - Se non se rectifica afectará á valoración, pero non excluírá a solicitude da fase da admisión.

## 7. Avaliación e Resolución

As solicitudes recibidas en prazo **serán avaliadas pola Comisión de Avaliación**, integrada por persoal técnico experto nas materias relativas a esta convocatoria.

Para poder ser considerada no proceso de adxudicación, a solicitude deberá alcanzar unha puntuación mínima de **25 puntos** na valoración global do proxecto (criterios 1,2 e 4). As solicitudes que non alcancen dita puntuación mínima serán excluídas automaticamente do proceso de selección, sen posibilidade de subsanación ou revisión.

Durante todo o proceso, a Comisión poderá reunirse con representantes da entidade, ou ben recabar información adicional sobre o proxecto ou a organización, requiríndoa mediante correo electrónico. En caso de non presentarse en prazo, podería afectar á súa valoración ou, mesmo, ser motivo de desestimación.

O proceso realizarase conforme ás etapas que se describen a continuación.

## 7.1 Proposta de valoración inicial

Tras a avaliación de todos os proxectos presentados **farase unha proposta de valoración inicial que incluirá:**

- A relación ordenada de todas as solicitudes que cumpran os requisitos.
- A indicación da puntuación outorgada.
- importe da axuda que se propón para cada entidade.
- A puntuación mínima establecida para obter a condición de entidade beneficiaria.
- A relación de solicitudes desestimadas por non cumprir algún dos requisitos.

**A Comisión de Avaliación poderá establecer unha puntuación mínima para acceder ás axudas económicas.**

A proposta presentarase á Fundación Emalcsa para a súa aprobación e será publicada na web da Fundación ao día seguinte da súa emisión. Ademais, notificarase individualmente a todas as entidades solicitantes a puntuación asignada e a decisión favorable ou desfavorable da Comisión, concedéndose un **prazo de 5 días naturais** (a partir do seguinte á notificación) para consultas relacionadas.

A Comisión poderá reservar unha porcentaxe dos fondos da convocatoria, á espera de consultas e alegacións, que será distribuído na proposta de concesión provisional. Se das consultas e alegacións derivase algunha modificación sobre as puntuacións iniciais, convocaríase á Comisión para realizar unha nova cualificación das propostas e de redistribución dos fondos.

A proposta de valoración inicial non crea dereito algún a favor da entidade beneficiaria proposta fronte á Fundación.

## 7.2 Proposta de concesión provisional

Finalizado o prazo de consultas e respostas relativas á valoración inicial, emitirase a **proposta de concesión provisional:**

- A relación ordenada das entidades propostas para ser beneficiarias de axuda.
- As puntuacións finais de cada entidade.
- O importe da axuda que se propon en función da valoración obtida.
- A puntuación mínima establecida para obter a condición de beneficiaria.
- A relación de solicitudes desestimadas por non cumprir algún dos requisitos.

Este ditame presentarase á Fundación para a súa aprobación e publicarase na web da Fundación ao día seguinte da súa emisión. Notificarase ás entidades que se propoñen como beneficiarias a puntuación final e a correspondente axuda proposta, solicitándolles que presenten nun **prazo máximo de 5 días naturais** (a partir do día seguinte da

notificación) a **reformulación dos orzamentos e os proxectos axustada á axuda asignada provisionalmente**, naqueles casos, cando o importe da subvención concedida provisionalmente sexa inferior ao importe solicitado.

A reformulación de proxectos deberá respectar o obxecto, condicións e finalidade da proposta orixinal, así como os elementos asociados aos criterios de valoración establecidos.

Se algunha das entidades seleccionadas renunciase á axuda proposta durante o proceso de resolución, a Comisión poderá acordar, sen necesidade de nova convocatoria, a repartición da contía de dita axuda entre o resto de entidades seleccionadas en proporción á puntuación obtida, sen que se poida superar en ningún caso o límite de 20.000 euros por subvención nin o importe solicitado pola entidade.

A proposta de concesión provisional non crea dereito algún a favor da entidade beneficiaria proposta fronte á Fundación.

### 7.3 Proposta de resolución definitiva

Transcorrido o prazo de presentación de reformulacións, realizarase a revisión e validación dos proxectos reformulados. Como resultado, emitirase a **proposta de resolución definitiva** que conterá:

- A relación ordeada das entidades que obteñen a condición de beneficiarias.
- As puntuacións obtidas.
- Os importes finalmente concedidos.

Esta proposta será presentada á Fundación Emalcsa para a súa aprobación. Ao día seguinte da súa ratificación, **farase pública na web da Fundación** a acta de resolución definitiva emitida pola Comisión de Avaliación, que terá carácter executivo e inapelable.

**Notificarase ás entidades correspondentes** a resolución definitiva con indicación do importe da axuda que lle foi concedida e os detalles da firma de convenios para que no prazo de 5 días naturais (a partir do día seguinte á notificación) comuniquen a súa aceptación ou renuncia da axuda.

As titulares dos proxectos que non resulten beneficiarias de axuda nesta convocatoria terán 8 días naturais (a partir do día seguinte á resolución definitiva) para solicitar a devolución da documentación presentada.

## 8. Formalización da concesión. Forma de Pago. Circunstancias excepcionais

### **Firma do convenio**

A formalización da adxudicación finalizará coa **firma dun convenio entre a Fundación Emalcsa e cada unha das entidades beneficiarias**. Nel reflectiranse os dereitos e obrigacións das partes, e incluirá:

- O importe da axuda concedida.
- O prazo de execución do proxecto.
- A forma de pago.
- A xustificación do gasto.
- Os mecanismos de seguimento e avaliación do proxecto, así como a presentación de informes.

### **Acreditación de representación legal da entidade beneficiaria para a firma**

Realizarase nun **prazo máximo de 5 días naturais** desde a comunicación da **resolución definitiva**, salvo que xa sexa a mesma que na convocatoria anterior. En caso de non poder acudir, presentarse carta de delegación en favor da persoa designada asinada por quen ostenta a representación legal.

### **Forma de pago**

A Fundación Emalcsa realizará o abono da cantidade concedida nunha conta bancaria da entidade de acordo ao seguinte esquema de pagos:

- Entidades que non obtiveron axuda na XII Convocatoria: abonarase o 100% do importe no prazo máximo dun mes desde a firma do convenio.
- Entidades que obtiveron axuda na XII Convocatoria e alcancen 6 ou máis puntos (sobre 10) na xustificación: abonarase o 100% do importe no prazo máximo dun mes tras a emisión da carta de conformidade da xustificación.
- Entidades que obtiveron axuda na XII Convocatoria e alcancen menos de 6 puntos (sobre 10) na xustificación: abonarase o 50% do importe concedido no prazo máximo dun mes tras a emisión da carta de conformidade da xustificación, e o 50% restante tras a avaliación intermedia (establecida na base 9.2), suxeito a un adecuado desenvolvemento do proxecto.

### **Circunstancias excepcionais**

No caso de que concorran circunstancias excepcionais que, pola súa gravidade ou imprevisibilidade, fagan inviable ou dificulten de forma substancial a execución dos proxectos obxecto da convocatoria —incluíndo, entre outras, situacións de forza maior, alteracións significativas do marco xurídico, económico ou institucional, ou calquera outra causa que xere unha incertidume insalvable— a Presidenta ou a Vicepresidenta do Padroado da Fundación Emalcsa, indistintamente, poderán acordar, en calquera

momento previo á firma dos convenios, a suspensión da tramitación ou a revogación total da convocatoria.

Dita decisión terá carácter irrevogable e non xerará dereito algún de compensación ou indemnización a favor das entidades solicitantes, nin daquelas que fosen obxecto de concesión provisional ou resolución definitiva

## 9. Obrigacións das entidades beneficiarias

A presentación a esta convocatoria implica a plena aceptación das súas bases e, en caso de ser beneficiaria de subvención, o cumprimento das obrigacións que delas derívanse.

Estas obrigacións refírense a:

1. Os requisitos e condicións de execución do proxecto.
2. O procedemento de seguimento e avaliación.
3. A protección de datos e dereitos de imaxe.
4. As accións de publicidade e difusión.

O incumprimento das obrigacións adquiridas pode levar á perda da subvención.

Para todos aqueles aspectos que non estean expresamente regulados nas presentes bases, será de aplicación o establecido na Lei 38/2003, do 17 de novembro, Xeneral de Subvencións.

### 9.1 Sobre as condicións de execución do proxecto

- a. Executar o proxecto nos termos, prazos e requisitos estipulados nestas bases e os estipulados no convenio co que se formalizará a concesión.
- b. Asumir ao seu cargo a exclusiva responsabilidade do funcionamento da entidade e da realización do proxecto subvencionado.
- c. Cumprir con todos os requisitos manifestados na declaración responsable presentada coa solicitude da axuda.
- d. Comunicar calquera eventualidade que altere ou dificulte gravemente o desenvolvemento do proxecto aprobado, así como o atraso de máis dun mes no inicio do proxecto en relación á data indicada na reformulación.
- e. **Solicitar autorización previa e expresa** á Fundación Emalcsa para realizar calquera **modificación substancial** sobre o proxecto, entendendo por tal aquela que afecte a:
  1. Obxectivos e actividades que afecten os obxectivos do proxecto ou as entidades colaboradoras do mesmo.
  2. Beneficiarios/ as aos que se dirixen as actividades

3. Variacións entre partidas do orzamento aprobado, se estas supoñen cambios superiores a 1.000€ ou que superen o 20% da axuda concedida.

As solicitudes deberán estar **suficientemente motivadas** e hanse de realizar:

- i. con carácter inmediato á aparición das circunstancias que as xustifiquen, se se trata de modificacións de obxectivos, actividades ou beneficiarios (puntos 1 e 2).
- ii. con antelación á presentación do Informe Final de xustificación para as variacións no orzamento (punto 3).

A autorización ou denegación será comunicada no prazo máximo dun mes desde a solicitude.

No caso de modificacións menores, non incluídas nas categorías descritas, bastará coa súa comunicación durante a execución do proxecto no informe final.

- f. Conservar os documentos xustificativos dos gastos realizados cos fondos concedidos (incluídos documentos electrónicos) para as actuacións de comprobación e control financeiro, durante un período de catro anos a contar desde a data límite de presentación de xustificacións.
- g. Proceder ao reintegro dos fondos percibidos en caso de incumprimento segundo os supostos establecidos na base 10.

## 9.2 Sobre o proceso de seguimento e avaliación

A Fundación Emalcsa, ben directamente ou ben a través da subcontratación de terceiros, realizará o seguimento, control técnico e avaliación dos proxectos, así como ao exame dos informes de xustificación presentados.

Para iso, poderá realizar avaliacións *in situ* do proxecto ou solicitar información complementaria. Poderase requirir, por exemplo, información relativa ás actividades, os gastos executados, a publicidade realizada e a solicitude/concesión doutras axudas e subvencións.

### **Avaliación intermedia**

Realizarase unha visita ou informe de avaliación intermedia, segundo modelo facilitado pola Fundación, co fin de comprobar o desenvolvemento do proxecto.

Quedarán eximidos deste trámite, aqueles proxectos, cuxo período de execución e finalización prodúzanse de forma anterior á data establecida pola Fundación Emalcsa para levar a cabo a avaliación intermedia.

### 9.3 Sobre a Protección de datos e Dereitos de imaxe

De acordo coa lexislación vixente, as entidades beneficiarias están obrigadas a cumprir, en toda a súa actividade, coa normativa en materia de **protección de datos**.

Cando os datos das persoas participantes nos proxectos subvencionados nesta convocatoria haxan de ser facilitados á **Fundación Emalcsa**, ha de informar e **solicitar formalmente o seu consentimento**.

Doutra banda, sendo esta unha convocatoria para o **fomento do deporte solidario e inclusivo**, unha parte da actividade dos proxectos subvencionados está enfocada á sensibilización social, o que implica **actuacións de información, difusión e publicidade das actividades**.

Para cumprir coa **normativa en materia de dereitos de imaxe**, as entidades beneficiarias da subvención están obrigadas a **formalizar a autorización e cesión dos dereitos de imaxe** de todas as persoas participantes nos proxectos. Neste documento deben figurar de forma clara e específica: os datos da entidade, os do proxecto, os identificativos de cada persoa participante, o tipo de imaxes e a súa finalidade, os destinatarios e canles de difusión a empregar e os das obrigacións contractuais que implica.

No caso de que no proxecto participen **persoas menores de idade ou con incapacidade legal recoñecida**, a autorización ha de estar asinada tamén pola persoa ou entidade que exerza a súa **tutoría legal** a efectos do proxecto.

A Fundación Emalcsa poderá facer uso das imaxes remitidas polas entidades para a elaboración da memoria, así como para a difusión dos proxectos e o desenvolvemento de boas prácticas en materia de fomento do deporte e a inclusión. A responsabilidade das imaxes recibidas recae sobre a entidade que as facilita

### 9.4 Sobre a publicidade e difusión

A entidade beneficiaria deberá facer pública no prazo máximo dun mes a concesión da subvención a través da publicación na súa Web ou en calquera das súas redes sociais. Será necesario que a entidade aporte as evidencias destas publicacións a través da Plataforma .

As entidades beneficiarias deberán cumprir coas seguintes obrigacións específicas de visibilidade:

- **Publicacións dixitais con mención:** a entidade beneficiaria deberá realizar publicacións na súa páxina web e RRSS facendo difusión do proxecto, cun mínimo de 10 publicacións durante a vixencia do convenio.
- **Producción de contido audiovisual:** deberase elaborar polo menos un vídeo breve (30 seg.) que explique o impacto do proxecto e mencione a axuda recibida, o cal será difundido nos canais dixitais da entidade.

Así mesmo, a fin de reforzar as accións de difusión a través das redes sociais da Fundación Emalcsa, durante a execución do proxecto comunicará á Secretaría Técnica por correo electrónico a **programación de actividades**.

A entidade beneficiaria tamén adquire a **obligación de facer constar a colaboración** da Fundación Emalcsa, e dos patrocinios da actual convocatoria, **en toda a documentación informativa e accións de difusión e publicidade** (en calquera formato e soporte) relacionada co proxecto. A tal fin, tras a firma do convenio coa Fundación Emalcsa, facilitarase as entidades beneficiarias o seguinte:

- **Logotipos oficiais e proporcións** nas que deberán ser incluídos en todos os elementos de difusión: carteis, folletos e papelería, portadas e créditos no material audiovisual, comunicacións cos medios, serigrafía en roupa e equipamento, etc. Este contido tamén está dispoñible na web da Fundación Emalcsa (<https://fundacionemalcsa.org/identidad-corporativa/>)
- Perfís das **redes sociais da Fundación Emalcsa** que deberán ser mencionados en todas as publicacións relacionadas co proxecto por parte da entidade: Instagram, Facebook, Twitter e YouTube
- Descrición e forma de solicitude do roll up co logo da Fundación Emalcsa.

## 10. Xustificación

Con **data límite 14 de setembro de 2027**, a entidade deberá realizar a xustificación a través da plataforma online habilitada para a presentación da documentación, a través do enlace que se facilitará desde a Secretaría Técnica do programa.

### 10.1 Documentación do proxecto

#### 1. Informe final (segundo modelo facilitado pola Fundación)

Este informe debe conter a información das actividades realizadas (tanto da parte de deporte de base como do proxecto de inclusión), os resultados obtidos e as accións de difusión levadas a cabo. Débese especificar:

- Número de persoas beneficiarias das accións realizadas desglosado por entidade social de derivación.
- Tipo de colectivo ao que pertencen as beneficiarias
- Modificacións non sustanciais en relación ao proxecto presentado.

#### 2. Documentación acreditativa da realización:

- Fotos das actividades. Como mínimo deben presentarse 10 imaxes nas que se evidencien as diferentes actividades realizadas dentro do proxecto.
- Mostrás da publicidade e difusión: notas de prensa, mostrás de publicacións en redes sociais, vídeos...

- Mostras da difusión de colaboración da Fundación Emalcsa e entidades patrocinadoras.

**3. Carta de conformidade ou informe** sobre o desenvolvemento do proxecto de cada unha das entidades colaboradoras do mesmo, conforme ao modelo facilitado pola Fundación Emalcsa. Admitiranse evidencias equivalentes que acrediten a colaboración e participación dos beneficiarios.

## 10.2 Documentación económica

### 1. Relación clasificada dos gastos (segundo modelo facilitado pola Fundación)

Esta relación debe incluír todos os gastos que foron obxecto de subvención e incluírá:

- Identificación do proveedor
- Importe total do gasto
- Tipo de documento xustificativo e a súa codificación
- Data de emisión e de pago.

Os gastos xerais deberán incluírse na relación de gastos imputados á subvención, sen que sexa preceptivo presentar os xustificantes.

### 2. Xustificantes de gasto e acreditación do pago

Presentaranse as **facturas axustadas á normativa legal ou documentos de carácter probatorio equivalente** no tráfico xurídico mercantil ou con eficacia administrativa, acompañadas da acreditación do seu pago.

Así mesmo, todos os xustificantes de gasto deberán especificar a porcentaxe de imputación correspondente á Fundación, como condición necesaria para a súa aceptación.

Admitirase a xustificación de gastos pagos en efectivo ata un límite total de 250 € coa presentación do recibo coa firma orixinal do receptor.

**3. Declaración responsable** de quen ostente a representación legal da entidade conforme as facturas presentadas, imputadas ao proxecto subvencionado ao amparo desta convocatoria, non se empregarán para xustificar outras subvencións recibidas por outras institucións públicas ou privadas.

### Requisitos e obrigacións da acreditación do gasto

A entidade queda obrigada a dispoñer dos **orixinais dos xustificantes de gastos cun selo ou diligencia** na que se faga constar que se empregaron para a xustificación da presente convocatoria, así como o importe ou porcentaxe imputado a esta.

Da **descripción do concepto facturado** debe deducirse se é un gasto elixible nos termos establecidos na base 4. De non ser así, a entidade deberá presentar xunto coa factura unha breve explicación sobre os conceptos sinalados na mesma.

### 10.3 Proceso de revisión e extinción do convenio

Toda a documentación xustificativa, unha vez comprobada, será **obxecto de fiscalización por parte da Secretaría Técnica de forma previa á súa aprobación**.

Se se apreciase insuficiencia ou a existencia de defectos emendables, comunicárase á entidade concedéndoselle un prazo para a súa corrección a partir do día seguinte á notificación. No seu caso, realizaranse novamente as actuacións de comprobación sobre a documentación emendada. Este proceso poderá repetirse en caso de detectar novos erros ou deficiencias na corrección.

Reunida toda a documentación xustificativa correcta, procederáse á súa revisión e avaliación final emitindo o correspondente informe.

O proceso de xustificación será obxecto de valoración por parte da Secretaría Técnica, sobre unha puntuación máxima de 10 puntos que repercutirá na forma de pago da axuda concedida na seguinte convocatoria se é o caso (en forma semellante á descrita na base 8). Para esta avaliación teranse en conta: a consecución de obxectivos, os aspectos formais de xustificación e a publicidade e difusión realizada.

A xustificación parcial implicará a devolución da parte proporcional ou do total da axuda percibida:

- No caso de que se xustifique gasto inferior ao 100% e, máis do 50% do orzamento subvencionado, devolverase a parte proporcional da subvención.
- No caso de que se xustifique gasto inferior ao 50% do orzamento subvencionado, non se considerará cumprida a finalidade básica da subvención, polo que se devolverá o importe completo.

A Fundación Emalcsa comunicará formalmente nun **prazo de catro meses tras a recepción do informe final a aprobación ou non, no seu caso**. Dita aprobación dará lugar á extinción do convenio. Se non se recibise no prazo máximo de catro meses, considerarase extinguido.

## 11. Incumprimentos

As entidades beneficiarias das axudas comprométese ao **reintegro das cantidades recibidas nos seguintes casos**:

- a. Incumprimento da obriga de presentación de informes das actuacións realizadas e de xustificación do gasto.
- b. Incumprimento grave de obxectivos para os que foi concedida a subvención.

- c. Supostos en que os gastos non se levasen a cabo por calquera causa ou se modificasen substancialmente os proxectos sen autorización expresa da Fundación Emalcsa.
- d. A inobservancia de calquera outra condición imposta con motivo da concesión da axuda.
- e. Obtención da axuda sen reunir as condicións requiridas para iso.
- f. Resistencia, escusa e obstrución ás actuacións de seguimento e control.
- g. Incumprimentos graves ou falsidade no informe final do proxecto, postos de manifesto nas accións de seguimento a que se refire a base 9.2, e durante a xustificación das axudas referida na base 10.

Cando se constate un incumprimento reiterado dos prazos concedidos nos actos de trámite ou se produciron outras deficiencias durante o proceso de xustificación ou na información presentada, que non estean recollidas nas causas de reintegro precedentes, terá como consecuencia a imposibilidade de obter colaboración económica da Fundación Emalcsa na seguinte Convocatoria de Deporte Solidario e Inclusivo.

## 12. Protección de datos de carácter persoal

Os datos persoais obtidos neste procedemento serán tratados, na súa condición de responsable, pola Fundación Emalcsa coa finalidade de levar a cabo a tramitación administrativa que derive da xestión deste procedemento.

O tratamento dos datos relativos a este procedemento baséase no cumprimento dunha misión de interese público. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos por obrigação legal.

As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos comunicándoo na sede da Fundación Emalcsa Manuel Murguía s/n - Casa da auga, distrito postal 15011, da Coruña, ou por correo electrónico a [secretaria@fundacionemalcsa.org](mailto:secretaria@fundacionemalcsa.org).